



Broj:01/17-02-1005-1/23  
Sarajevo, 14.3.2023. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primijeno: 15-03-2023			
Org. jed.	Broj	Priloga	Vrijednost

**PREDSTAVNIČKOM DOMU  
PARLAMENTA FEDERACIJE BiH**

Dana 14.3.2023. godine održana je 1.sjednica Odbora za denacionalizaciju i privatizaciju Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći:

**DNEVNI RED**

1. Konstituiranje radnog tijela i upoznavanje sa djelokrugom, zadacima i ovlaštenjima Odbora za denacionalizaciju i privatizaciju utvrđenih Poslovníkom Predstavničkog doma Parlamenta Federacije BiH,
2. Informacija o statusu Agencije za privatizaciju u Federaciji BiH,
3. Agencija za privatizaciju FBiH,-Informacija i molba za pomoć,
4. Tekuća pitanja.

U skladu sa članom 44. st. 1. i 2., a u vezi člana 72. Poslovníka Predstavničkog doma Parlamenta Federacije BiH, Odbor za denacionalizaciju i privatizaciju Domu podnosi sljedeći:

**IZVJEŠTAJ**

**Ad-1**

**Konstituiranje radnog tijela i upoznavanje sa djelokrugom, zadacima i ovlaštenjima Odbora za denacionalizaciju i privatizaciju utvrđenih Poslovníkom Predstavničkog doma Parlamenta Federacije BiH**

Prisutni članovi Odbora jednoglasno su potvrdili konstituiranje Odbora za denacionalizaciju i privatizaciju, u cilju obavljanja dužnosti utvrđenih Poslovníkom Predstavničkog doma Parlamenta Federacije BiH.



**Ad-2 i Ad-3** Ove tačke dnevnog reda zajedno su razmatrane.

Nakon uvodnog i veoma detaljnog izlaganja zamjenika direktora Agencije za privatizaciju u FBiH, te obavljene diskusije po navedenim tačkama svih prisutnih članova Odbora, s ciljem osiguranja rada i uspješnog poslovanja Agencije za privatizaciju u FBiH, uključujući i uzimajući u obzir ciljeve EU i pravnu stečevinu EU, Odbor jednoglasno predlaže Predstavničkom domu da donose sljedeće zaključke:

1. Predstavnički dom Parlamenta Federacije BiH zadužuje Vladu Federacije BiH da osigura uslove za izmirenje troškova i obaveza prema zaposlenicima Agencije za privatizaciju u FBiH, kako bi im se omogućila isplata zaostalih plata i doprinosa iz radnog odnosa.
2. Zaduje se Vlada FBiH da, u cilju zaštite javnog interesa, osigura uslove za deblokadu računa i izvršavanje obaveza Agencije i poduzme mjere iz svoje nadležnosti u cilju pokrića viška rashoda nad prihodima Agencije iz prethodnih godina i obezbjeđenje tekuće likvidnosti, kako bi Agencija mogla obavljati zakonom propisane nadležnosti.
3. Zaduje se Vlada FBiH da, u roku od tri mjeseca, pripremi prijedlog novog, adekvatnog zakonskog rješenja kako bi se uspostavio zakonodavno-pravni okvir za nesmetano funkcioniranje Agencije, kao i prijedlog izmjena ostalih propisa i procedura u cilju sistemskih rješenja funkcioniranja privatizacije.
4. Zaduje se Vlada FBiH da, putem resornih ministarstava, pripremi plan reorganizacije aktivnosti i nadležnosti, racionalizacije i troškovne efikasnosti rada Agencije, koji će podrazumijevati hitno preispitivanje drugih modela troškovno efikasnijeg upravljanja aktivnostima privatizacije.

**Ad-4**

**Tekuća pitanja**

Po ovoj tački dnevnog reda nije bilo rasprave.

ZAMJENIK PREDSDJEDNIKA ODBORA  
Amir Ibrović, s.r.